

ПИЧИ ПУРГА ЛИТЕРАТУРАЛЭН АРЕЗ

Гожъяськисьёс бус пöлы уг йыромо

Виктория КРАМОВА

4-тй оштолэзе Ижысь Эшъяськон юртын кузёяськызы пичи Пургаос: татын ортчиз Пичи Пурга ёросысь литературалэсь арзэ усьтон.

Утисьёсмы вань

Калык вордскем шаерсьтыз литературазэ жечгес мед тодоз шуыса, 3 ар талэсь азьло Национальной библиотека мытйз «Удмуртиысь муниципал кылдытэтъяслэн литератураоссылэн нуналъёссы» проектсэ. 2017-тй арын элькунамы тодматскизы алнаш литератураен, 2018-тй арын - можга гожъяськисьёсын. Туэ сыңе шуд усиз Пичи Пурга ёрослы. Ар чоже Удмуртиысь библиотекаосын ортчозы та ёросысь потэм писательёсын пумиськонъёс, шара лыдзонъёс, литературной жытёс.

Эшъяськон юртын ужрадэз усьтыса, Национальной библиотекалэн директорез Татьяна Тензина пусйиз, та проект Удмуртиысь литературалэсь узыр пуштросо, тунсыко но яркыт луэмзэ возматэ шуыса. Со жечкылаз гожъяськисьёсты но тау кариз лыдзисьёслы, тужгес но - дышетисьёслы но библиотекарьёслы, угось соос литератураез утисьёс луо.

Кылбуразы этнограф, пыдйылчи

«Чагыр, чагыр дыдыке...» кырзанэз Брангуртысь песнайёсын чош быдэстйз Баграш-Бигра нылпи садысь Юлия Гаврилова. Ужрад та кырзанэн юнме өз кутскы: «Чагыр, чагыр дыдыке...» кылбур нырысьсэ печатламын вал Григорий Верецагин этнографлэн, писательлэн, священниклэн «Вотяки Сарапульского уезда Вятской губернии» монографияз 1889-тй арын. Чапак та кыл-



Туксугтыз Максим ЕГОРОВ

бур удмурт кылын гожтэм нырысетйез оригинальной чеберлыко произведенийен лыдъяське. Г. Верецагин 1900-тй-1927-тй арёсы улйз но ужаз Пичи Пурга ёросысь Брангуртын. Даур ортчыса, адзиськом: та гуртын сыңе ик быгатйсь но адзымон калык улэ. Нылпиос но азинто гуртазы пушйись лулчеберетэз: Брангуртысь культура юртысь нылпиослэн «Кузылыкар» театральной коллективзы (кивалтйсьсы Ольга Туктарева) возматйз Богдан Анфиногенов кылбурчилэн чурьёсызъя пуктэм «Как я на ломаном удмуртском стихотворенья говорю...» постановкаез.

Ачиз Б. Анфиногенов - Пичи Пурга черкогуртысь поэт - быдэстйз «Вордйськем гуртэ» кырзанэ. Сое кылзйськыса, вакчияк тодматскыны луэ пургаослэн аспöртэмлыко вераськон сямынызы: татын чузъясько «иське», «бадзым», «кыщцы»,

«кызы-озы», «бон» но пурга вераськетйсь мукет кылъёс. Со сяна, кырзан ёросысь гуртёслэсь нимъёссэс но дышетны юрттоз. Кырзаназ Богдан пыртэм тодмотэм авторлэсь кылбурзэ-исасконзэ:

*Чили-воли Виль Мönья,
Тылы жуыы Вуж Мönья,
Итэм-пуктэм*

*Итэш гурт,
Октй-калтй Чокал гурт.
Арлан гуын - Арлангурт,
Шайгу возмась Уча гурт,
Шайву юись Ыбдэс гурт,
Таба вылын - Эдэйгурт.*

Та чурьёсты гожтыса кельтйз Людмила Шумилова - Пичи Пурга ёрос библиотекалэн директорез. Кылбурез Л. Шумиловалэн кузпалызлэн мумизлы Евдокиялы верам солэн Лукерья меез, нош соиз кылэм кураькыса ветлйсь пыдйылчилэсь. Со, пе, гуртёслы исаскон нимъёс тырыса ветлылэм.

Пичи Пурга ёрос библиотекаын ужасьёс.

Азинтйсьёс вань

Ужрадын чузъяськызы пурга кылбурчиослэн но прозаикъёслэн чурьёссы. Яратоно кылбуръёссэс лыдзйзы Пичи Пурга ёрослэн йырыз Сергей Юрин но пурга выжыос: Пичи Пурга ёрос администрациясь культура отделэн кивалтйсь Надежда Степанова, Удмурт филармонилэн директорез Алексей Фомин. Удмуртиысь калык писательлэн Семён Самсоновлэн нунокез Екатерина Самсонова, Национальной библиотекаысь ужась, сйзиз песятаезлэсь «Яратйсько тонэ» повестьысь тыз лыдзем чурьёссэ Самсонов выжыысь писательёслы. Соны юрттйзы Пичи Пургалась искусствоосъя школарысь «Крезьгур» ансамбльысь крезен шудйсь нылъёс. Николай Ямаков, Ижкарысь «Ижевск Мари» пор огазеяськонлэн кивалтйсьез, лыдзйз Семён Карповлэсь кылбурзэ

удмурт но пор кылъёсын. Туала нылкышно литературалэн аспöртэмлыкеныз тодматйзы «Удмурт дунне» газетлэн редакцияз ужасьёс Мария Векшина, Елена Миннигараева, Анастасия Шумилова.

Кыллэсь чеберзэ кылбур возматэ, кышномуртлэсь - дзрем. Г. Самсоновалэн, Л. Тихоновалэн, О. Бисарлэн, В. Возняковлэн, А. Самсоновалэн, Н. Лопатиналэн, В. Васильевалэн, Г. Архиповлэн, Е. Макаровалэн, Л. Софроновалэн, А. Перевозчиковлэн но мукет кылбурчиослэн чурьёссы чузъяськызы литературной дефиле дыръя - Пичи Пурга ёрос библиотекаын ужасьёс возматйзы Татьяна Москвина дизайнерлэсь выль коллекцизэ.

Пургаос, литератураен сяна, крезьгурен но эшъясько. Ужрадын калыкез шулдыртйз Эдэйгуртысь «Арганчи» ансамбль, аслэсьтыз кырзанэ быдэстйз Удмурт театрысь артист, Вуж Мönья гуртын вордскем Вадим Дмитриев, Пичи Пурга черкогуртысь шаплы пияш Егор Маштаков быдэстйз Сергей Сосновлэсь вордскем ёросзлы сйзем кылбурезъя гожтэм кырзанэз.

Наталья Кондратьева, УдГУ-ысь Удмурт кылобуръя, финно-угроведение но журналистика институтлэн директорез, пурга ныл, тодосчи сямен валэктыз, маин висъяське пурга литература. Культура министр Владимир Соловьёв но пусйиз: пургаос котьку аспöртэм сямынызы висъясько, адзымон авторъёс ялан кылдо. Классикъёслэсь - Самсонов выжыысь писательёслэсь, Кирилл Ломагинлэсь, Георгий Архиповлэсь но мукетъёсызлэсь - ужзэ азинто туала пурга прозаикъёс но кылбурчиос. Пичи Пурга ёросын гожъяськисьёс, Семён Самсоновлэн дыдыкъёсыз сямен ик, бус пöлы уг йыромо: пурга лыдзисьёс писательёссэс гажало.***

ПУМИСЬКОН

Сабырлы удмурт нылкышно

Елена ЛОМАГИНА,
Пичи Пурга ёросысь
Кечол школарысь дышетйсь

Пичи Пурга ёросысь Кечол шор ёзо школары пумиськымы кылбурчиен, культура удысысь дано ужасен Любовь Тихоноваен.

Любовь Ивановалэн вордйськем Аксакшур гуртэз Кечоллэсь ог 10 иськемын гинэ. Кылбурчи милям школарымы дышетскемын.

Ужрадэз усьтыз но нуиз, кытйяз серекъятыса но, кытйяз синвуаськытыса, школалэн директорезлэн вoштйсьез Елена Ломагина.

Любовь Ивановалэн кылбур чурьёсыз сюлемез позырто, синвуэз пызырто, шуиз Елена Викторовна.

Кылбурчи нырысь-валысь вераз улэм-вылэмез но творчествоез сярысь. Со лыдзйз нылпиослы но арлыдослы гожтэм чурьёсэ. Нылпиос но Любовь Тихоновалэсь кылбуръёссэ лыдзйзы.

- Ми дышетскон вакытэ Кечол школарын нылпиос зол зучомемен вал, - пиналтёслэсь анай кылын вольыт лыдземзэс ушгяса, пусйиз Любовь Ивановна. - Соку дышетйсьёс но трoсэз

зучесь вал. Али шöдйське, дышетйсьёс нылпиосты удмурт кыллы тыро-пыдо дышето шуыса. Школае пырыкумы ик, удмурт кылын, удмурт дйсен пумитазы директор Светлана Тойкина но вань дышетйсьёс. Нылпиослы но шумпотуно, шорамы анай кылын мусо вазыско. Удмурт кылъя но литература дышетйсьёслы Любовь Кочиналы но Маргарита Долгановалы бадзым тау шуыны кулэ: соос анай кыллы бырыны уг сето.

Любовь Тихонова тодмо журналист но луэ, со егитъёслэн «Инвожо» журналы

зы но «Удмурт дунне» газетын ужамын. Нылпиос тунсыкен кылзйзы журналистлэсь ивор люкамез сярысь верамъёссэ. Любовь Ивановна азьвыл но, али но трос гожъя Пичи Пурга ёросысь гурт удысын тырпйсь дано адымиос сярысь. Пиналтёс одйг интыязы кема пукыны уг чидало, нош Л. Тихоноваез соос 3 час но кылзыны дась вал.

Любовь Ивановна сцена вылэ öтиз Кечолысь кизилиосмес. Виктор Романов крезьгурчи Любовь Ивановалэн кылбуръёсызъя 3-4 кырзан гожтйз ни. Любовь Кочинамылэсь кырзамзэ чөм

гинэ кылйськом «Мынам Удмурти» радио пыр. Кечол каргуртын улэ «Льöль сяска» кырзанлэн авторез (таиз сярысь калык воксё öжытэз гинэ тодэ) Надежда Акманова, солэсь кырзанэ быдэсто «Ерпечкаос». Нылпиос воксё паймизы, вöзазы сыңе дано но тодмо адымиос уло вылэм шуыса.

Тйни сыңе со милям улосчимы - сабырлы, зэмoс удмурт нылкышно, милям данъяськонмы Любовь Тихонова. Вань сюлмыныз со яратэ шаерзэ, удмурт калыксэ но пичи дырысьныз пычам анай кылзэ.***